0.0.1 dvayatānupassanāsuttam

- 1. evam me sutam ekam samayam bhagavā sāvatthiyam viharati pubbārāme migāramātu pāsāde, tena kho pana samayena bhagavā tadahuposathe pannarase puṇṇāya puṇṇamāya rattiyā bhikkhusaṅghaparivuto abbhokāse nisinno hoti. atha kho bhagavā tuṇhibhūtam tuṇhibhūtam bhikkhusaṅgham anuviloketvā bhikkhu āmantesi.
- 2. ye te bhikkhave, kusalā dhammā ariyā niyyānikā sambodha gāmino, tesam vo bhikkhave, kusalānam dhammānam ariyānam niyyānikānam sambodha gāminam kā upanisā samanāyāti. iti ce bhikkhave, pucchitāro assu te evamassu vacaniyā: yāvadeva dvayatānam dhammānam yathābhūtam ñānāyāti, kiñca dvayatam vadetha:
- 3. idam dukkham ayam dukkhasamudayo'ti ayame-kānupassanā, ayam dukkhanirodho, ayam dukkhanirodhagāminipaṭipadā'ti ayam dutiyānupassanā. evam sammā dvayatānupassino kho bhikkhave, bhikkhuno appamattassa ātāpito pahitattassa viharato dvinnam phalānam aññataram phalam pāṭikankham diṭṭheva dhamme aññā, sati vā upādisese anāgāmitāti. idamavoca bhagavā idam vatvā sugato athāparam etadavoca satthā:

727. ye dukkham nappajānanti,

atho dukkhassa sambhavam; yattha ca sabbaso dukkham, asesam uparujjhati; tañca maggam na jānanti, dukkhupasamagāminam.

728. cetovimuttihinā te, atho paññāvimuttiyā; ahabbā te antakiriyāya, te ve jātijarūpagā.

729. ye ca dukkham pajānanti, atho dukkhassa sambhavam; yattha ca sabbaso dukkham, asesam uparujjhati; tanca maggam pajānanti, dukkhupasamagāminam.

730. cetovimuttisampannā, atho paññāvimuttiyā; bhabbā maggam antakiriyāya, na te jātijarupagāti.

15. siyā aññena'pi pariyāyena sammā dvayatānupassanāti iti ce bhikkhave, pucchitāro assum siyātisasu vacaniyā, kathañca siyā yam bhikkhave sadevakassa lokassa samārakassa sabrahmakassa sassamaṇabrāhmaṇiyā pajāya sadeva manussāya idam saccanti upa-

bjt page 226 pts page 141

nijjhāyitam tada' mariyānam etam musāti yathā bhūtam sammappaññāya sudiṭṭham ayamekānupassanā, yam bhikkhave sadevakassa lokassa samārakassa sabrahmakassa sassamaṇabrāhmaṇiyā pajāya sadeva manussāya idam saccanti upanijjhāyitam tada' mariyānam etam musāti yathā bhūtam sammappaññāya sudiṭṭham ayamekānupassanā, yam bhikkhave sadevamanussa etam musāti upanijjhāyitam tada mariyānam etam musāti yathā bhūtam sammappaññāya sudiṭṭham ayam dutiyānupassanā evam evam sammā dvayatānupassino kho bhikkhave, bhikkhuno appamattassa ātāpito pahitattassa viharato dvinnam phalānam aññataram phalam pāṭikankham diṭṭheva dhamme aññā, sati vā upādisese anāgāmitāti. idamavoca bhagavā idam vatvā sugato athāparam etadavoca satthā:

759. anattani attamānim passa lokam sadevakam, niviṭṭham nāmarūpasmim idam saccanti maññati.

760. yena yena hi maññanti tato tam hoti aññathā, tam hi tassa musā hoti mosadhammam hi ittaram.

761. amosadhammam nibbānam tadariyā saccuto vidum, te ve saccābhisamayā nicchāti parinibbutāti.

16. siyā aññena'pi pariyāyena sammā dvayatānupassanāti iti ce bhikkhave, pucchitāro assu siyātisasu vacaniyā, kathañca siyā yam bhikkhave yam bhikkhave sadevakassa lokassa samārakassa sabrahmakassa sassamanabrāhmaniyā pajāya sadeva manussāya idam sukhanti upanijihāvitam tadamarivānam etam dukkhanti vathābhūtam sammappaññāya sudiţţham ayamekānupassanā, vam bhikkhave sadevakassa lokassa samārakassa sabrahmakassa sassamanabrāhmaniyā pajāya sadeva manussāva idam dukkhanti upanijihāvitam tada' mariyanam etam sukhanti yathabhutam sammappanñāya sudittham ayamekānupassanā, evam sammā dvayatānupassino kho bhikkhave, bhikkhuno appamattassa ātāpito pahitattassa viharato dvinnam phalānam aññataram phalam pātikankham dittheva dhamme aññā, sati vā upādisese anāgāmitāti. idamavoca bhagavā idam vatvā sugato athāparam etadavoca satthā:

762. rūpā saddā rasā gandhā phassā dhammā ca kevalā, iṭṭhā kantā manāpā ca yāvatatthiti vuccati.

763. sadevakassa lokassa ete vo sukhasammatā, yathe ce te nirujjhanti taṃ tesaṃ dukkhasammataṃ.

764. sukhanti diṭṭhamariyehi sakkāyassuparodhanam,

paccanikamidam hoti sabbalokena passatam

765. yam pare sukhato āhu tadariyā āhu dukkhato, yam pare dukkhato āhu tadariyā sukhato vidum.

766. passa dhammam durājānam sampamuļhettha aviddasu, nivutānam tamo hoti andhakāro apassatam.

767. satañca vivaţam hoti āloko passatāmiva, sattike na vijānanti magā dhammassa'kovidā,

768. bhavarāgaparetehi bhavasotānusāribhi, māradheyyānupattehi nāyaṃ dhammo susamabudho.

769. ko nu aññatra mariyehi padaṃ sambuddhumarahati, yaṃ padaṃ sammadaññaya parinibbanti anāsavāti.

17. idamavoca bhagavā, attamanā te bhikkhu bhagavato bhāsitam abhinandunti - imasmim kho pana vey-

yākaraņasmim bhaññamāne saṭṭhittānam bhikkhunam anupādāya āsavehi cittāni vimucciṃsuti.